

جریدہ علمیہ

مشختہ جلیلہ، اسلامیہ نمک، جریدہ، رسیہ سیدر

غرہ شوال سنہ ۱۳۳۲

عدو : ۵

آبدہ بر نشر اولنور

برنجی سنہ

تشویقات و ترغیبات لازمده بولنلمسی خصوصی تعمیماً مفتی اقدیلره اشعار ایدلمش اولغله طرف شریفلرندن دخی اول وجهله ایجابنك ایفاسی سیاقنده شقه ترقیم قلندی .
۱۲ رمضان ۱۳۳۲ ۲۲ تموز ۱۳۳۰

تذاکر علی

« درسعام و مدرس و فتواخانه عالییه مأمور اقدیلرک عسکرلکری حقنده »

سفر برلك مناسبتیه سلاح آلتنه دعوت اولانان مکلفین میاننده درسعام و مدرس اقدیلرله فتواخانه عالییه مأمور منسوبین و متحیزین علمیه دن برخیلی ذوات بولنمقدم اولوب مومی الیهکم اردوده موجودیتلری افراد سائرہ نك قوای مضویہ لرینه پک مهم تأثیرات حسنه ده بولنه جنی درکار اولدیغنه وسنه لرجه تحصیل علوم ایله اخذ و حتی اعطای اجازت ایلش اولان و شو صورتلده خدمت مقدسه عسکریه لرینی ایقایه شتاب ایدن مومی الیهکم هنوز موظف امامی بولنمیان طابورلرده امامت وظیفه سی ایفا ایتدیرلمک کی تحصیل و موقعلریله متناسب تسهیلات و مساعداته مظهر ایدلمسی و امامت مثالو خدمتلرده استخدام اولنمیوب سلاح انداز اوله جقلزك دخی کسوه عسکریه لرینی لابس اولدقلری حالده نشانه فضیلتلری اولق اوزره عمامه دار بولنلرینه مساعدہ اولنمی من کل الوجوه موافق اوله جغه و مومی الیهم درس و کالتجه هویتلرینی مبین وثیقه لر اعطا قلنه جغه بناء اشبو وثیقه لری حائز اولان درسعام و مدرس اقدیلرله فتواخانه عالی مأمورینی حققرنده بروجه محرر معامله اولنمی ضمنتده لازم کلنلره اوامر لازمه اعطا ونتیجه سنک انبا بیورلمسی سیاقنده تذکره ثناوری ترقیم قلندی افندم .

* *

« شهر رمضانده علناً نقص صیام ایدنلر حقنده »

احکام دینییه رعایت بر ملنك اك بیوک مدار فیض وسعادتق اولدینی و توفیقات جلیله صمدانییه نائل اولق ایستانلرک اوامر منیفه الیهیه مطاوعت کامله لری و جاأیدن بولندینی حالده شوآرده لق برطاقم کیسه لرک سفر حالنده افطارک جوازی بهانه سیله شهر صیامه حرمسنزلکه حرأت ایلدکلری کال تأسفله مشاهده ایدلمکده در جالبوکه سفر برلك مناسبتیه اعطا ایدیلن قوای شریفه ده محرر اولدینی اوزره عساکرا سلامیه دن نهار رمضانده خدمات عسکریه نك شاقه اولان قسمنی اجرایه مجبور اولانلر صائماً خدمات مذکورده ده بولندقلری تقدیرده شدت حرارتدن هلاک یا نقصان عقل قورقوسی غالب ظن اولنجه

بعده قضا ايلك اوزره افزار ايللری جائز اولوب قيود و شروط مذكوره خارجند
افطارك قطعياً رهين جواز اوله ميه جغه و علناً نقض صيام ايدنلرك مجازات قانونيه دهده و چار
ايدملری لازمه دن و بونلر حقند قاتون جزانك طقسان طقوزنجی ماده سنك اوجنجی
ذیلی احكامك تطبیق اراده سینه حضرت خلافتناهی اقتضای عاليسندن بولنديغه بناء
بروجه محرر علناً نقض صيام ايدنلره قارشى قطعياً مسامحه ايدليهرك ماده مذكوره نك
تطبيق احكامى ضمنده تعقیبات لازمه اجرا سیچون مأمورین ضابطه یه اوامر سریع
و قطعیه اعطایی .

کتاب المحاضر والسجلات

• اعلامات شرعیة نك امر تنظیمنده نظره آلمی مقتضی خصوصاته دائر وصایای مهمه یی محتوی در •
— مابعد —

نمونه : ۳

مدینه .. نك .. محله سنده ساکن املاك قلمی کتبه سندن محی الدین افندی ابن
عبدالله افندی مدینه مذکوره محکمه سنده مجلس شرعه مدینه مذکوره نك ..
محله سنده ساکنه و ذاتی تعریف شرعی ایلله معرفه پاکیزه خانم ابنه فیض الله اغا نام
بکر باغنه نك خصوص آتیده وکیل مسجلی وکلای دعاویدن محمد خالص افندی
مواجهه سنده بروجه آتی ادعا ایلدی .

کتاب تشکیل
طریق

تاریخندن ایکی سنه مقدم یعنی بیک اوچوز اوتوز سنه هجریه سنده بن ومؤکله
مزبوره پاکیزه خاتمدن هر بریمزك حال صغر مزده ولی اقربم عوجهم حاجی عبدالله
زاده احمد اغا عاقل و بالغ و بالجله تصرفاتی نافذ اولدینی حالده .. محله عقد ایدیلان
مجلس نکاحده محضر شهوده بخله ازدواجنه مانع بولمیان مزبوره پاکیزه خانمی
مهر مثلی اولان ۳,۵۰۰ غروش مهر مؤجل تسمیه سیله بالولایه بکا نکاح ایتدیکنده اوراده
بولسان مزبوره نك باباسی مزبور فیض الله اغا دخی عاقل و بالجله تصرفاتی نافذ
اولدینی حالده مجلس مذکوره بالولایه قبول ایلسکه مزبوره پاکیزه خانم اولوجهله
بنم منکوحهم اولمشیکن حالا بکا اطاعت و حقوق زوجیه رعایتدن امتناع ایدر اولمغله
محله مذکوره ده کائن مسکن شرعی اولان منزله کلوب بکا اطاعت و حقوق زوجیه
رعایته مؤکله مزبوره یه اضافه وکیلی مزبور محمد خالص افندی یه تنیه اولنق مطلب و مدد

سورن دعوی